



Universitätsbibliothek Paderborn

**Instrvctio R.P. Ignatii Balsamonis Societatis Iesu,
Theologi. De Perfectione Religiosa, Et De Vera Recte
Orandi & meditandi methodo**

Balsamo, Ignazio

Coloniæ Agrippinæ, 1612

III. Docum. Religiosus virtutis & perfectionis amans esse debet.

[urn:nbn:de:hbz:466:1-48888](http://urn.nbn.de/hbz:466:1-48888)

Et alij multi, non modò Religiosis, sed omnibus quoque alijs Christi fidelibus accommodati, vti sunt *Meditationes & confessiones B. Augustini*. Opus Meditat. R. P. Ludouici de Ponte è Soc. Iesu. *Innocent.* III. de contemptu mundi. Opera Ludouici Granatensis, & alij quorum mentio fiet in sequenti tractatulo de oratione mentis. cap. 12.

DOCUMENT. III.

Religiosum virtutis & perfectionis amorem esse debere.

TERTIVM sit: Religiosum virtutes & perfectionē diligere, illiusque acquirendæ ingenti cupiditate flagrare debere. Quod vt fiat, duo illi potissimum facienda sunt. Primū est: omni tempore in perfectione religiosa proficere, atq; in charitate, humilitate, patientia, cæterisq; virtutibus crescere contendet: quemadmodum bonus studiosus quotidie in doctrina progressum aliquem facere satagit. Nam Religioso dictum fuit:

Spir

Si quis perfectus esse &c. ex quo sequitur illum ex professione & vocatione sua obligatum esse, tendere totis viribus ad perfectionem, licet non apprehendere. Hinc est, quod S. Thomas & S. Bernardus religionem appellant scholam virtutum. Et idem S. Bernardus dicit: *In via Domini non proficere, est deficere.* Qui in alio quoque loco affirmat, veram virtutem nescire finem, nec esse limitibus ullis circumscriptam, & hominem iustum non quam dicere sufficit, sed semper iustiorem ac virtuosiores esse desiderare. Religiosus ergo imitari studbit S. Paulum Apostolum, qui, ut de se in etiis testatur, *eorum quae retro sunt obliuiscens, ad ea quae sunt priora se extendebat: id est magno quodam animi desiderio, indies se ipso melior esse satagebat, & præclariora quædam ad Dei honorem atque servitium moliri: ita quoque Religiosus perfectionem toto animo desiderare, & pro illius acquisitione desudare debet: nam perfectio sine desiderio ac diligentia haudquam acqui-*

*Matt. 19**2. 22. quod.**186. 2rt.**2. Hom.**de mar-**garita.**Serm. 2.**de Puri-**ficat.**Epist. 253**Philip. 3.*

ritur. Debet quoq; Religiosus labo-
rare, vt in propria vocatione sua per-
fectus fiat, vt si Franciscanus sit, per-
fectus Franciscanus: si Cartusianus,
perfectus Cartusianus esse sat age: i-
dem esto iudicium de alijs. Ad hæc au-
tem assequenda, duo ista non parum
momenti adferent.

1. Considerare diligenter benefici-
um vocationis.

2. Vitam fundatoris identidem le-
gere ac releggere, illiusque vitam ac
mores quo ad fieri potest, exprimere.
Ea enim est Dei voluntas, qui pro-
pterea alium ad hanc, alium ad aliā
religionem vocat.

Alterum est, vt nouerit methodū
virtutes acquirendi: id enim ex eo
consequitur, quia huic virtutum stu-
dio incumbere, & ad earum conse-
cutionem omne suum studium con-
ferre tenetur: quod nunquam facere
quibit, si methodum quā eadem vir-
tutes acquiruntur, ignoret. Metho-
dus hæc sub fine huius tractatuli ad-
iungetur.

DO.